

SOALAN NO. 113

PEMBERITAHUAN PERTANYAAN BAGI JAWAPAN BUKAN LISAN
MESYUARAT PERTAMA, PENGGAL KEEMPAT
PARLIMEN KETIGA BELAS,
MAJLIS MESYUARAT DEWAN RAKYAT

PERTANYAAN : JAWAB BUKAN LISAN

**DARIPADA : DATUK NOOR EHSANUDDIN BIN MOHD
HARUN NARRASHID [KOTA TINGGI]**

TARIKH : 7 MAC 2016 (ISNIN)

SOALAN :

**Datuk Noor Ehsanuddin Bin Mohd Harun Narrashid [Kota Tinggi]
minta MENTERI PEMBANGUNAN WANITA, KELUARGA DAN
MASYARAKAT menyatakan :-**

- (a) berapakah jumlah taska yang berdaftar dengan Kementerian; dan
- (b) bagaimanakah pemantauan dan penguatkuasaan dilaksanakan terhadap taska-taska yang tidak berdaftar dengan Kementerian.

JAWAPAN: **YB DATO' SRI ROHANI ABDUL KARIM, MENTERI PEMBANGUNAN WANITA, KELUARGA DAN MASYARAKAT**

Kementerian Pembangunan Wanita, Keluarga dan Masyarakat (KPWKM) bertanggungjawab memastikan Taman Asuhan Kanak-Kanak (TASKA) supaya berdaftar dengan Jabatan Kebajikan Masyarakat (JKM). Jumlah TASKA yang telah berdaftar sehingga Disember 2015 adalah sebanyak 4,145 buah TASKA.

JKM menjalankan penguatkuasaan Akta Taman Asuhan Kanak-Kanak 1984 dan Peraturan-Peraturan Taman Asuhan Kanak-Kanak 2012 bagi memastikan TASKA yang beroperasi berdaftar dan mematuhi standard yang ditetapkan. JKM sentiasa membuat pemantauan secara berkala dan juga secara mengejut ke TASKA bagi memastikan TASKA yang beroperasi mematuhi standard minimum yang telah ditetapkan.

Selain itu, JKM sentiasa menjalankan pemantauan bagi TASKA tidak berdaftar. Operasi Task Force Pemutihan TASKA tidak berdaftar juga telah dilaksanakan bagi tahun 2014 oleh semua negeri supaya kewujudan mereka dikenalpasti dan diberi peringatan untuk berdaftar. Kempen Jom

Daftar sentiasa dianjurkan di peringkat negeri dengan tujuan menyampaikan maklumat dan menyeru pengusaha TASKA tampil untuk berdaftar.

Jika TASKA yang berkenaan masih enggan berdaftar walaupun telah diberi bimbingan dan nasihat, maka TASKA tidak berdaftar tersebut boleh dilak, dikompaun tidak melebihi RM5000.00 atau boleh diambil tindakan pendakwaan. Jika sabit kesalahan, pengusaha TASKA boleh:

- (a) didenda tidak lebih RM10,000.00 atau dipenjara tidak lebih 2 tahun atau kedua-duanya sekali; dan
- (b) bagi kesalahan kedua atau berikutnya, boleh didenda tidak lebih RM20,000.00 atau dipenjara tidak lebih 5 tahun atau kedua-duanya sekali.

Sebagai kesimpulan, KPWKM melalui JKM telah menjalankan usaha dan program agar TASKA ini tampil berdaftar. Walau bagaimanapun, usaha berterusan dan kerjasama bersepadu daripada semua pihak iaitu agensi kerajaan, sektor swasta, pertubuhan bukan kerajaan, ahli akademik dan setiap anggota masyarakat diperlukan bagi memastikan aspek

keselamatan, pengasuhan yang sesuai mengikut umur, aktiviti yang sesuai dengan perkembangan kognitif, fizikal, emosi dan spiritual kanak-kanak ini dapat dijayakan.